

161

29. des.

Um viðurlög fyrir brot gegn ákvæðum reglugerðar þessarar um söluskatt af sölu og annarri veltu fer samkvæmt lögum nr. 46/1954, um tekjuskatt og eignarskatt, og lögum nr. 35/1950, um verðlagseftirlit o. fl.

11. gr.

12. gr.

Verð vöru og þjónustu má hækka sem söluskatti nemur, en óheimilt er að hækka álagningu verzlana og fyrirtækja hans vegna. Söluskatt af sölu og annarri veltu skal bæta álagningarlaust við leyfilegt söluverð.

13. gr.

Reglugerð þessi, sem sett er samkvæmt lögum nr. 100/1948, um dýrtíðarráðstafanir vegna atvinnuveganna, með breytingum, sem leiða af 2.—4. gr. laga nr. 112 1950 og lögum nr. 96/1956, um framlenging á gildi III. kafla laga nr. 100/1948, óðlast þegar gildi.

Fjármálaráðuneytið, 29. desember 1956.

F. h. r.

Sigtr. Klemenzson.

Jón Skaftason.

162

17. des.

REGLUGERÐ

um skerðingu barnalífeyris vegna tekna.

1. gr.

Nú fara bætur og aðrar tekjur hjóna, sem bæði eiga rétt á elli- eða örorkulífeyri, fram úr fjárhæð, sem nemur þreföldum hjónalífeyri á 1. verðlagssvæði, og skal þá skerða barnalífeyrisgreiðslur til þeirra sem hér segir:

Þegar um eitt barn er að ræða, lækkar lífeyrir um helming þess, sem umframtekjur nema. Séu börnin tvö, nemur lækkunin þremur fjórðu hlutum, en séu þau þrjú eða fleiri, nemur lækkunin jafnmiklu og umframtekjurnar.

2. gr.

Barnalífeyrisgreiðslur til ógíftra elli- eða örorkulífeyrisþega og einstæðra mæðra, sem rétt eiga á lífeyri með börnum sínum samkvæmt 17. gr. laga nr. 24/1956, skal takmarka, ef bætur og aðrar tekjur framfærenda fara fram úr fjárhæð, sem nemur þreföldum einstaklingslífeyri að viðbættum tvöföldum barnalífeyri á 1. verðlagssvæði, ef um þrjú börn eða færri er að ræða, en þreföldum einstaklingslífeyri að viðbættum einföldum barnalífeyri, ef börnin eru fleiri.

Þegar um eitt barn er að ræða, lækkar lífeyrir um helming þess, sem umframtekjur nema. Séu börnin tvö, nemur lækkunin tveimur þriðju hlutum, en séu þau þrjú, nemur hún þremur fjórðu hlutum umframtekna, en lífeyrir skal þó eigi lægri vera en svarar fjölskyldubótum með einu barni. Séu börnin fleiri en þrjú, skerðist barnalífeyrir um sömu fjárhæð og umframtekjum nemur, en skal þó aldrei lægri vera en svarar barnalífeyri með þremur börnum, skertum samkv. næsta málslið á undan, að viðbættum fjölskyldubótum með þeim börnum, sem fleiri eru.

3. gr.

Giftist einstæð móðir eða eigi aðeins annað hjóna lífeyrisrétt, skal takmarka barnalífeyrisgreiðslur eftir þeim reglum, sem í 2. gr. segir, þó svo, að bæta skal sem

svarar einum og hálfum barnalífeyri á 1. verðlagssvæði við tekjumark það, er þar 162 greinir, áður en skerðing hefst, og aldrei skal lífeyrisgreiðsla vera hærri samkvæmt 17. des. þessari grein en samkvæmt ákvæðum 1. gr.

4. gr.

Nú eru í fjölskyldu auk barna, sem ákvæði 3. gr. taka til, börn, sem ekki eiga lífeyrisrétt, og skal þá heita ákvæðum 3. gr. svo sem lífeyrisréttar nytu öll þau börn fjölskyldunnar, sem teljast eiga með við ákvörðun barnalífeyris eða fjölskyldubóta. Þó skal aldrei greiða hærri upphæð barnalífeyris og fjölskyldubóta samanlagt en sem nemur fullum barnalífeyri með þeim börnum, sem á honum eiga rétt, að viðbættum fjölskyldubótum, sem greiða bæri vegna annarra barna.

5. gr.

Sé greiddur barnalífeyrir með börnum þeim, sem nefnd eru í 1.—3. gr. hér að framan, skal telja sjálfstæðar tekjur þeirra með tekjum framfærenda.

6. gr.

Lífeyrir munaðarlausra barna, er hafa sjálfstæðar tekjur, sem fara fram úr einum og hálfum einstaklingslífeyri á 1. verðlagssvæði, skal lækkaður um sextíu hundraðshluta þess, sem umframtekjur nema.

Reglugerð þessi, sem sett er samkvæmt 22. gr., sbr. 17. gr., laga nr. 24 29. marz 1956, um almannatryggingar, gengur í gildi 1. janúar 1957. Jafnframt er felld úr gildi reglugerð nr. 75 frá 17. maí 1956.

Félagsmálaráðuneytið, 17. desember 1956.

F. h. r.

Hjálmar Vilhjálmsson.

Hallgrímur Dalberg.

AUGLÝSING

um innheimtu skemmtanaskatts árið 1957.

163

28. des.

Ákveðið hefur verið að nota heimild laga frá 27. desember 1956 til þess að innheimta skemmtanaskatt af kvikmyndasýningum með 200% álagi og af öðrum skemmtunum með 20% álagi árið 1957.

Leiksýningar, hljómleikar og söngskemmtanir innlendra manna, svo og sýningar á íslenskum kvikmyndum, eru undanþegnar álaginu.

Í menntamálaráðuneytinu, 28. desember 1956.

F. h. r.

Birgir Thorlacius.

Knútur Hallsson.